

寶慶四明志

四明奉化縣志目錄

卷第一

叙縣

沿革論

境土

風俗

縣令

社稷

城隍

學校

城郭

坊巷

倉庫務場

公宇

官僚

驛鋪

叙山

叙水

渠堰  
梁津渡  
附關橋

叙產

卷第二

叙賦

鄉村

鎮市

戶口

夏稅

秋稅

酒

商稅

雜賦

叙兵

弓手

叙人

見郡志

叙祠

神廟

宮觀

寺院

叙遺

紀異

存古

四明奉化縣志目錄

四明志卷第十四

奉化縣志卷第一

叙縣

沿革論

奉化縣本秦會稽郡鄞縣地漢志謂鄞有鎮亭  
鮎埼亭皆在焉今縣東五十里有鄞城山下有  
廣福院舊曰鄞城院即古鄞縣治所也隋廢鄞  
鄞二縣入句章唐初析句章置鄞州尋廢爲鄞  
縣隸越州古鄞地乃併屬于鄞開元二十六年  
析鄞縣置奉化隸明州是時州曰明郡曰奉化

詳見郡表

又以郡名名縣貞元間爲上縣凡十九鄉

皇朝景德三年始併爲八鄉九域志爲望縣

**境土**

東西一百七十里南北一百五里

東至鄞縣界七十里以藤嶺并道陳嶺爲界自  
界首至鄞縣五十里

西至紹興府嵊縣界一百里以陸照嶺爲界自  
界首至嵊縣一百四十里

南至台州寧海縣界六十里以柵虛嶺爲界自  
界首至寧海縣六十五里

北至鄞縣界四十五里以北渡大江爲界自界  
首至鄞縣三十五里

東南到象山縣界以鄞港中流白石山南港爲  
界陸路并折海計五百七十里自界首至象  
山縣二百四十五里

西南到台州寧海縣界五十里以杉木嶺爲界  
自界首至寧海縣七十里

東北到鄞縣界六十里以金峨嶺爲界自界首  
至鄞縣八十四里

西北到紹興府嵊縣界一百二十里以箬坑嶺



爲界自界首至崦縣一百三十里

風俗

右山左海土狹人稠日以墾闢爲事凡山巔水  
湄有可耕者累石塹土高尋丈而延袤數百尺  
不以爲勞仰事俯育僅僅無餘人窘於財亦憚  
於爲非富家大族皆訓子弟以詩書故其俗以  
儒素相先不務驕奢士之貧者雖儲無擔石而  
衣冠楚楚亦不至於垢弊大抵受性剛直任氣  
尚義吏胥則轉爲頑悍甚於他邑瀕海小民業  
網罟舟楫之利出沒波濤間變化如神習使然

也

縣令

趙察

唐元和十二年鑿縣北河邑人德之因名趙河十四年開白杜河凡溉民田一千二

頃百餘

李宗申

唐咸通六年建城隍廟

于房

皇朝景祐中廢石夫人之廟以增學宮

王泌

皇祐四年建北渡橋

裴士堯

治平三年徙學

盛穆仲

元豐五年嘗記石夫人之靈于碑陰

秦辦之

元祐六年徙社

周池

紹聖三年作勸  
學文刻于石

周因

宣和元年  
徙學

榮彜

左承議郎紹興九年  
月到任十一年月蒞

張汝揖

左奉議郎紹興十二年  
月到任十四年

劉清臣

右承議郎紹興十五年  
月到任十七年蒞

陳泰初

右朝散大夫賜紫金魚袋紹興十七  
年月到任十八年十二月官觀

湯穆

左朝請郎紹興十九年三月到  
任二十一年五月十八日故

黃韶中

左承議郎紹興二十二年八  
月到任二十五年八月蒞

向士俊

右宣教郎紹興二十五年八月二  
十五日到任二十八八月蒞

劉士寵

左奉議郎紹興二十八年八  
月到任三十一年八月蒞

朱察

右奉議郎 紹興三十一年十一月  
到任 隆興元年七月 滿

李邦憲

右奉議郎 乾道二年八月二十  
八日到任 乾道二年二月故

向士邁

右通直郎 乾道二年十一月二  
十五日到任 乾道三年十二月故

郭忠順

右通直郎 乾道四年七月初九  
日到任 七年八月二十五日 滿

謝峻

右承議郎 乾道七年八月二十  
五日到任 八年十一月 宮祠

魏庭珙

右奉議郎 乾道八年十二月  
三十一日到任 九年 宮祠

蔡揆

右通直郎 熙寧元年四月十八  
日到任 十一月 宮祠

趙希仁

宣教郎 熙寧二年四月二十三  
日到任 四年四月 召赴都堂審察

葉仲翺

奉議郎 熙寧四年七月二十八  
日到任 七年十一月 滿

蘇邾

通直郎 熙寧七年九月十一日  
到任 九年四月十二日 避親 罷

郭德麟

通直郎淳熙九年六月二十九日到任  
十二年八月七日蒲九月二十九日到任  
召赴都堂

審察

張燧

宣教郎淳熙十二年八月七日到任  
十三年四月內轉通直郎十五年七月內轉奉

議郎十月十二日蒲

傅伯益

宣教郎淳熙十五年十月十二日到任

胡恭

宋晉之

蔡幾

慶元三年十二月十一日到任  
三年十二月十一日到任  
通理前任三考得替

趙汝傑

通直郎慶元五年四月初四日到任  
嘉泰元年五月宮祠

錢光祖

奉議郎嘉泰元年九月初四日到任

趙彥綰

奉議郎嘉泰四年十月初六日到  
任開禧三年十一月二十五日滿

陳梅安

宣教郎開禧三年十一月二十五日到  
任

馮多福

奉議郎嘉定四年三月十二日到任  
五年十二月轉承議郎七年六月十五日

滿

孫顯懿

宣教郎嘉定七年六月十五日到任  
十年三月轉奉議郎七月十六日到任

黃庶

宣教郎嘉定十年七月十六日到任  
十二年三月轉通直郎十三年七月二十五日

滿

趙希觀

通直郎嘉定十三年七月二十四日到  
任十五年二月二十三日磨勘轉奉議

郎七月十八日該遇慶寶恩轉  
承議郎十六年六月十三日滿

趙約

奉議郎嘉定十六年十月十三日到任

陳元晉

宣教郎寶慶二年二月二十二日到任

婁紹聃

宣義郎寶慶二年十一月初一日到任

**社稷**

壇舊在縣南 皇朝元祐六年令秦辨之徙置  
縣西南二百餘步

**城隍**

廟在縣西五十步唐咸通六年令李宗申建

**學校**

唐建夫子廟於縣東北三百步 皇朝景祐中  
令于房廢石夫人廟以增學宮 治平三年令  
裴士堯遷于縣東五十步久而圯令周因重建  
相陰陽之宜去舊址二十步而少西王禮記之



乃宣和初元也未幾舍法罷學浸弛 建炎  
間燬于兵 紹興九年令榮彝重建久復圯

慶元二年永嘉宋晉之爲令欲改創力未給邑  
士汪伋與其弟份奉令意徹 大成殿及門廡

而新之益宏且堅更立 先聖先師十哲之像

從祀分列兩廡於是鄉之好學者相繼效力直

殿之後作堂曰彝訓東西四齋曰養正曰達材

曰成德曰升俊東齋之側有堂主文衡者居之

西齋之側有舍司學職者居之又西爲射圃三

門之左爲詠歸亭右則廩廡在焉墨池直門之

外汪氏兄弟浚而廣之方正清深學宇輝映始  
壯舊觀 嘉定七年令馮多福又築尚友亭於  
射圃之後每輟俸以養士且勸率鄉之賢有力  
者出產爲永業今此產遂供偕計續食之費而  
士之德馮令不忘也邑之先進樓公郁王公說  
士皆師之故并馮令祠焉學之更新攻媿樓鑰  
記之尚友堂成丞周勉記之

祭器二百三十六件

祭服三副

御書

寶慶訓敕士風御筆二軸

一軸漕司頒下  
一軸本府頒下

錢糧

米二十七石二斗七升三合

穀三百六十石三斗七升四合

租錢七十六貫八百二十四文

義廩

供借計續  
食之費

穀六百八石九斗八升五合

麥五石三斗七升

租錢七十六貫七百四十文

城郭

縣城周環六百四十八丈

**坊巷**

雙桂坊

乾道五年爲王時會與  
弟時叙聯名登第立

狀元坊

嘉定十四年爲何  
大圭兩優釋褐立

**倉庫務場等**

倉

城內縣聽  
之西南

庫

縣庫

酒稅務

縣東北四里  
中祥符六年建 大

教場

縣尉聽前

居養院

縣東北  
二年六月建 元符

事八

長元志

八

錄

安濟坊

縣東北五里  
寧二年九月建  
崇

漏澤園

縣西北十里  
寧四年二月建  
崇

公宇

縣樓門

今婁紹  
購重建

縣聽

建炎四年燬于亂兵  
紹興十三年今榮彝重建  
紹

仁平齋

聽事之東  
令榮彝建

龍溪道院

仁平齋之南今榮彝建  
舊曰道發堂後更名

恕堂

聽事之西獄之側令榮彝建  
便坐也嘉泰間趙彥縮為今品人吳懋

為縣家葺理獄室又  
以其餘材重建此堂

鎮東樓

縣東北四里市之心先是惠政橋成壯  
麗為一邑冠陰陽家六無以楹之思有

鬱攸之變未幾果哈  
定中今馮多福乃建此樓

### 官僚

丞

聽事縣治之  
東南十步

主簿

聽事縣治之西有堂曰  
樓鸞西北有山亭今廢

尉

聽事縣  
治西

監酒及稅共一負

聽事鎮東  
樓之北

公塘巡檢

聽事縣西北三十里公塘市中舊地  
名高公塘唐文德元年置鎮民戶買

撲名課管納官錢  
添置巡檢駐劄巡捕私茶鹽礬盜賊

等事慶元四年罷  
鎮稅止存巡檢

鮎埼鎮監官

鎮在縣南六十里即漢鮎埼鎮也  
監官聽事在表村市中創置本末

# 鮎埼寨巡檢

下見

寨在鎮北五里聽事在漂溪嘉  
 定七年尚書省劄節文白劄子  
 奉化縣管下地名戰埼表村皆瀕  
 大海商船往來聚而成市十餘年  
 來日益繁盛邑人比之臨安謂小  
 江下去縣五六十里南隔山嶺海  
 瀕習俗素悍富者開團出船藏納  
 亡賴強招客販貧者奪攘闖毆雄  
 霸一方動致殺傷縣道前來擇有  
 事力者委充舉長未能借之鈐束  
 反以資其武斷前任趙知縣曾具  
 申諸司乞置巡檢一員在彼彈壓  
 愚意謂若差武臣反與豪徒為市  
 欲乞倣東陽例增置縣尉一員本  
 處有敗闕坊場令本府給本就委  
 所置官措置興復趁辦課額之外  
 其餘以贍吏兵既可以防海道亦  
 可以鎮懾俗右割付以海制置司

從長相度申尚書省時提刑程覃攝事申契勘慶元府在城都酒務有監官六員內文資四員武職二員若據向來置比較務贍軍係省三務各立二員分管酒額因不爲冗後來既將三務併而爲一摠納名課所謂六監官因循到今不曾減省委爲贊濫及照得本府西門外有都巡檢一寨額管軍兵一百二十人本地分既不邊海止是城外巡警鄉村盜竊及承受追會事件而已此來欲乞從朝廷對下本府於城下都巡檢寨分撥上軍五十名移屯戰埭只就開禧年間踏逐到漂溪職租地起蓋軍房以慶元府戰埭巡檢寨爲名仍於都務監酒內選撥有材能文武官各一員並存監酒舊衙內文官兼管戰埭煙火公事武官帶兼充戰埭巡檢十二月二十八日奉



聖旨令慶元府奉化縣置戰時鎮  
寨從事郎吳邦猷改差監戰時鎮  
兼煙火公事成忠郎程奕世改差  
戰時鎮巡檢其慶元府酒官六員  
內省罷兩員已差人並令赴吏部  
別行注授今後戰時鎮巡檢令  
吏部作條格使關餘依是年於漂  
溪置軍房天王堂門樓射亭共五  
十五間巡檢廨宇一十四間戰時  
本鎮因白劄子誤為戰時鎮申  
請正舊名漢書顏師古注去鮎音  
結蟬也長一寸廣二分有一小鱗  
在其腹中時曲岸也其中  
多鮎故以名亭時鉅依反

**驛鋪**

剡源驛

縣東北五里驛前即帆船步也温台步  
來者即此而登舟明越舟來者至此而

陸出

龍津館

縣東北四里西市之東惠政橋之西臨大溪側嘉定中令馮多福建

登陸館

縣東三里市南門之側令馮多福建孫興公賦登陸則四明天台故取以名

縣鋪

北至南渡鋪二十五里南至雙溪鋪二十五里

南渡鋪

北至北渡鋪二十五里內五里析江

北渡鋪

北至鄞縣擦社二十五里

雙溪鋪

北至縣鋪二十五里南至固海鋪二十五里

固海鋪

南至台州寧海縣界海口鋪二十五里

叙山

四明山連會稽接天台跨慈溪鄞及縣境詳載

郡志

卷三十一

卷三十一

十一

徐志

丹小山縣西五十里四明山之南屬剡源鄉之  
三石村上有二洞洞如廣廈中可容五六十  
又有深穴可容人身昔有入者行幾半日聞  
水聲如雷而返水涓涓岩罅間其流迹皆赤  
色下有龍湫民築亭于其下爲旱暵雩禱之  
所有巖竇風從其竇出常飈飈有聲夏絕無  
暑冬則凜凜不可近俗號風洞按雲笈七籤  
云四明洞天治丹山赤水在會稽上虞縣四  
明山舊屬會稽郡而丹山去上虞不一二十  
里雲笈七籤所志蓋以洞天舊所屬故云然

桃花坑山縣西五十里四明山之上二十里雲  
之南也山巖壁立數仞延袤數百尺巖色紅  
白相間隱映出沒狀如桃花之初發故以名  
之四山環繞宛如盤谷中有平田數百畝昔  
太白禪師納交孤竹君之裔飛錫于此擇其  
地而居之留偈云昔是神仙窟今爲長者居  
定須攀月桂宜教子孫書嗣王伯圭來守此  
邦因太白偈訪其後乃得竺君汝舟者覽山  
川之勝嘆先賢之裔嘉獎形諸尺牘端憲沈  
公煥誌其事藏竺氏家

毛巔嶺縣西六十里四明山之南接大小晦崎  
嶇澗谷行者艱阻 紹熙初有毛居士者鑿  
崖以便民旅之往來竺君大本題其崖曰鑿  
破巖崖砥柱平要令民旅得通行爲君題作  
毛巔嶺留取毛巔千古名

鎮亭山縣西南一百里漢地理志云鄞有鎮亭  
其原來自四明山由西北而南踰剡諸山而  
至鎮亭西界于越南入于天台故其鄉爲連  
山其巔盤結數峯高入蒼蒼旁有龍潭即顯  
濟龍王廟也詳見叙祠

東坑嶺縣西南六十里北爲蓬島南爲石樓西  
爲察廉岡界于松林連山二鄉之間其道西  
通婺女北通會稽南入天台東歸四明奉化  
爲邑西北多山而此嶺又爲衆山之最高者  
縈紆鳥道盤曲羊腸足且不可駐况負戴者  
平里有義士屠師禹蓋甃以石西九百五十  
丈東八百九十丈人甚德之

蓬島山縣西南四十里其原來自四明山重崗  
複嶺繚繞縣亘自剡之西南至于鎮亭由鎮  
亭之東北是爲蓬島肥厚雄壯不露峯角兀

然獨冠諸山北爲安巖之翠峯南爲石樓之  
赤巖過松木嶺入于天台即四明記云南嗣  
天台北通越是也臨其巔俯視數百里之外  
滄海微茫煙林縈帶城邑聚落了然在目

崇寧間有尼結廬於其肩號曰師姑平今其  
故堦遺井瓦礫搏石猶存山之側爲後萊山  
谷間有龍湫爲鄉邑雩禱之所閩風劉次高  
有詩云軋軋肩輿過翠微路經蓬島鎖煙霏  
雨從半嶺巖窩出雲在行人脚下飛

徐無巖在雪竇之西相距十五里重崖峭壁數

百仞瀑布飛下冬夏不絕巖之下有神龍所  
宅俗傳爲如浮巖以巖浮澗谷上故名上爲  
鞠猴巖有三大字刊于石王時曾有詩云絕  
壑<sup>上</sup>攬空雲與平橫飛寒瀑萬年聲杖藜平過  
人間險獨向千山頂上行

安巖縣西南三十里來自四明山有寺舊名四  
明院有二巖虛懸絕澗中有大龜圓廣三尺  
許出入則風雨隨作其背鐫云安巖山靈龜  
或到浙右諸州故鐫以誌之後因洪流湍激  
陷死巖下今留其殼爲寺中交割



翠峯縣西南三十里爲安巖山華嚴禪院之案  
山此峯高入蒼莽冠絕諸峯古木蒼蒼下臨  
大池寺之東偏有亭曰覽秀晚對之如畫屏  
環列

童公嶺縣西南六十里西爲杉木嶺東爲柵墟  
嶺道通寧海爲台州之界首 建炎間聚鄉  
民立寨以策應柵墟

柵墟嶺縣南六十里爲台明之界 建炎間立  
寨於此聚鄉民守戍官差將領以監之號南  
來第一寨今其遺跡皆在西通童公嶺東控

鮎埼海道是亦一要衝也

新嶺乃忠義一鄉往來邑治之路舊無此路新開五六年嶺峻而長絕頂爲中道有天然石磴盤石上有天然石汗尊泉出甚冽杯飲止滿一人之欲行者以次飲而未嘗竭率謂無此則人皆道暍云

天門山縣南六十里鮎埼亭之東岸大海海外列障排空有兩山對峙高入蒼莽南亞于海俗號引頭門北連棲鳳樓真諸山而入于大洋按地理志會稽鄞縣東南有天門水入于

海有越天門山陶弘景真誥云天門在鄞縣

之南寧海之北半亞于海鄞縣舊治奉化故

云然

據本縣所載如此而象山亦載天門山奉化象山皆古鄞地望海中之山皆可

爲夫門也

梅山縣南二十五里東爲登山有僧廬曰禪寂

爲壽禪師道場南爲鳴鴈管管之上峯巖竒

秀鄉之顯仕丘壠多藏焉山之西號丁令威

俗傳令威嘗化鶴止此有丹井在其旁一勺

之泉常隨海潮上下父老傳以爲海眼攻媿

樓公鑰有詩云峯頭丹井隨潮信松下禪床

舊祖關蓋紀此也北則環以大溪其山四斷  
兀立衆山之中或謂漢之梅福嘗游此因得  
名今其山之下每遇大雷雨則出小石圓如  
梅子剖之亦有核其名又或因此也上有龍  
湫爲鄉邑雩禱之所

回峯洞縣東南十五里

吳郎山縣東南一十里

鄞城山縣東五十里古鄞城在其下故名

舊志載赤

董山在鄞縣東四十里云山有草曰赤董鄞縣以此爲名而加邑焉會稽記云昔歐冶造劍於此山云涸若耶而採銅破赤董而取錫今考鄞境內無此山本以山名縣則鄞城山

即赤堇山也舊志以今鄞為古鄞故載之於鄞縣

謝家洞縣東二十五里其洞虛圓雖炎歊之月凜然猶寒其下如廣廈可容百餘人俗傳有大白蛇藏其間隱見不常左有一峯曰福堆山右即筆架峯也

筆架峯縣之下郝村其峯萃岿宛如筆架之狀雲霧興則必雨有一龍祠名祭山

燕巖在江口塔山之上杜後燕子穴於其間因以得名

南山縣東五里東為栲栳山西為龍潭山其山

四斷邑之舉子嘗以此山之鳴驗科甲之高  
下初一鳴而王國定爲武舉之鼎魁再一鳴  
而何大圭以兩優解褐里語所傳不可謂之  
無驗其上爲南山寺臨其巔有軒曰廣莫登  
臨眺望山川城邑千里之外了然在目故攻  
媿樓鑰有詩云廣莫乘風隘九州亂山無數  
點平疇一千里外在吾目二十來年無此游  
地下山高俱歷歷鳶飛魚躍兩悠悠昌黎費  
盡南山句曠望還應似此不

漢城山縣東北十五里其山頂平廣可容數千

人無荆榛叢林其堡壘之狀歷歷可睹斲土者或得古兵器世傳漢王避難之處又云劉曷屯兵之處然漢高祖光武及五代劉曷皆未嘗至此舊志以西漢建元三年嚴助發會稽兵圍東甌元鼎六年韓說出句章擊東甌領漢兵駐此故得名然嚴助韓說擊東甌皆浮海此山去海幾百里何由於此駐兵按此山與霸王山相對上有擂鼓巖蓋五代間鄉聚民兵屯駐自相雄長而爲是稱耳不必強求以合其名也

新婦巖縣西北五里累石而成肖像稍類人夏侯曾先地志云西北臨溪水其石五色望之頗似花鈿新婦首飾故曰新婦巖今西北寶無溪石亦無五色即所封昭德夫人者也

銅山在縣西北十五里按唐志云奉化析鄮置有銅此山蓋以所產名也俗傳昔有樵夫入山蒲目皆金寶意欲拾取之倏有神人杖劍而出皇駭奔走頃之旋顧悉不見矣

舊志載赤莧山在縣東北二十里夏侯曾先地志云亭頭有赤莧山上有盤石可坐



水十四  
千人秦始皇遣徐福求訪神仙嘗至此或  
云昔有赤莧仙人嘗居此山因以名焉今  
考縣境無此山

叙水

渠堰與關橋  
梁津渡附

水

鎮亭水縣東南三里其泉源來自越之諸山絕  
頂匯爲鎮亭潭徑三丈上圓下廣不以旱暵  
而枯莫測其深去縣九十里世傳與海相通  
其流過栢溪經牢巖出西溪由綠荷灘入惠  
政橋下繞連山松林奉化長壽四鄉凡七十

二堰溉田甚博接大江之流北至鄞入于海  
趙河縣北二十五里唐元和十二年縣令趙察  
開溉長壽民田凡八百餘頃邑人德之因以  
名河

尊湖縣北一十五里

寺後湖縣北五里

隱潭縣西北五十里潭居兩巖之下兩巖相抗  
壁立數百仞仰以窺天僅如數尺瀑泉如練  
循崖而落水寒石潔聳人毛骨每遇亢旱禱  
其潭有小蛇出沒旋應如響

皇朝嘗遣中使投金龍玉簡於潭以祈靈貺  
皇祐中杜說記之

白魚潭縣西北二十里

靈泉縣西二十里日嶺下寶林院泉源一穴不  
以大旱而枯不以大浸而溢下蔭萬家其深  
無底俗傳謂之海眼

靈濟泉舊名包家泉縣西南一里俗傳昔有牧  
童澣衣於泉得巨鰻持歸鬻爲九段烹之釜  
中良久不見急往泉所視之而鰻成九節復  
游泉中邑人皆靈之

皇朝元豐七年令向宗諤開浚其泉疏於石  
竇深不盈尺不爲水旱而盈涸歲旱禱之所  
謂九節鰻者出現則甘澤立應 宣和中令  
周因植亭其上榜曰靈濟有碑紀其異

鰻魚潭縣西南四十里蓬島後萊山谷間南與  
石樓山烏潭相望東爲東山玉沙井北直安  
巖山白巖窩皆旱暵雲禱之所潭徑二丈餘  
深廣如之其流縈繞於松林金溪二鄉溉田  
甚博出千富灞港與鎮亭水合而入于江

國朝祥符間有漁者泐流擲釣至潭所俄有

魚隨鈎而上五色爛斑而有二翼漁者駭然  
急棄于潭歸語鄉人人未之信翌日有紅光  
燭天人猶疑之會歲大旱鄉人合道釋巫覡  
鳴鑊槌鼓以迎之俄有小鰻如線躍立於巖  
壁間隨取而歸未出山而雨大至歲則大熟  
於是鄉之父老相率爲建祠宇立龍王像自  
是台明之禱者不遠數百里駢集 淳熙間  
歲甚旱鄉人三沐三熏一步一拜以禮之周  
日夜而後至潭所黎明未得所請忽有大蛇  
紅質黑斑兩目如金其光爍爍周圍以視人

人益驚懼蜿蜒歷於巖罅間截水上流食頃  
投于淵而莫知所在是歲雖赤地千里而此  
鄉獨蒙其利歲得下熟

鰕音役今俗呼爲翼

蛟潭縣南三十里

幽欄潭縣東南一十五里

馬嶺泉縣東三十里

白杜河縣東三十里唐元和十四年縣令趙察  
開漑金溪民田凡四百餘頃

新婦湖縣東五里

耀碑潭縣東一里俗傳有賢宰政清則其流澄

清

透餅泉耀碑潭之東其水蓄之以甃器而水透  
器外故以爲名有痼疾者飲之即愈

清甘泉縣城內雖遇久旱不涸色清甘因以得  
名令馮多福嘗記之

**渠堰碑關**

葦湖塘小閘縣北七里

砂堰碑縣北一十五里

進林小閘縣北二十里

大馬碑縣北二十里

劉大河碑縣北二十五里

皇朝熙寧間邑人王元章之祖出力創建其  
後寢廢 建炎二年元章有請於縣重修焉

朴木碑縣北二十五里

下塘碑縣北三十里

吳山碑縣北三十里

吳家碑縣北三十里

崑山碑縣北三十里

大歐碑縣北五十五里

常浦碑在北渡之南距縣三十五里界于鄞縣



兩縣三鄉所仰之水利也

進林礮縣東北長壽金溪兩鄉通漑  
民田數千頃

皇朝紹興十三年重修

資國礮縣南五里

普平港口閘縣南一十五里

王莊礮縣南二十里

新溪礮縣東十五里

考到礮縣東二十里

湖芝礮縣東二十里

錢堰礮縣東二十五里

**橋梁**

縣橋

縣東南一十步 皇朝太平興國八年建  
宣和初令周因重建立亭其柱榜曰嘉會

建炎兵燹  
亭廢橋存

慶登橋

縣東二里舊名謝鳳橋一曰東橋  
皇朝淳化二年建政和八年令周因

立亭其上榜曰豐樂 紹興十九年重  
建改今名舊志載世傳布袋和尚澡身

橋下一鉢隨流而漂招之即回至今逆  
流按此水之源來自縣西黃牛村自西

流東過石闕至西河其流自此而南僅  
百餘步合于方礮而入于溪此蓋水勢

所趨非  
逆流也

新橋

縣東三里先是溪流溢泗無常橋以石為  
步步踈其流若古之七星橋然上流漲則

石轉移下潮長則步漸濕民常病之  
定中令馮多福壘石為柱前銑後平以破  
水勢巨版其上上流漲則踰橋而過橋不  
為動下潮長則不及橋之版者常一二尺

往來  
始便

### 東市石橋

縣東四里皇朝端拱元年建  
和中置亭其上改曰通濟  
建炎兵

橋亭廢  
橋存

### 新婦湖橋

縣東五里湖頭有新婦祠故名  
皇朝紹興二十一年建上覆以屋  
以

而地邑人修職  
郎汪級重修

### 惠政橋

縣東北三里舊名善勝又名通刻  
皇朝乾隆二年建後為洪水所壞  
大

觀中重建改今名校官額文記之架木  
為梁覆以厦屋率十稔一易開禧初

今趙彥縮因民之弗堪告之曰與其累  
修而累壞孰若一勞而永逸民為之

隨贊高下協力鳩工易之以若下爲巽  
洞又有小洞以泄怒水高廣十倍于前  
車馬往來如履平地兩旁護以石欄東  
西接兩市南路入天台北路通明越  
嘉定四年令馮多福猶以兩堤未堅續  
復甃之賦詠者甚多有題洞底者曰鑿  
開蒼壁玉稜層疊作溪橋兩洞成影落  
波心雙月合光含石眼一星明整頭近  
接東西市鯨背平分南北程須信  
巨川從此濟區區溱洧浪傳名

### 下霍橋

縣東一  
十五里

### 光德橋

縣北二十里俗名江口橋四明之水來  
自越經大小時山過公塘出泉口而合

于大江故曰江口上接奉化港下迎北  
渡潮道爲明越要衝而水湍激澎湃舟  
渡多沉溺秉義郎李珂家其側捐廩建  
橋長二百三十尺廣二十尺慮他日朽  
腐豫儲倉粟其子孫以時修治張嗣良  
記之後爲洪潦所壞不治者八年李氏

復修之而力不逮修職郎汪俊嗣成之  
通水凡九道覆以厦屋二十有六楹乃

紹熙三年也宣  
教郎王時會記

### 廣濟橋

縣北二十五里俗名南渡橋在市中  
皇朝建隆二年僧師悟始建土橋其後

邑士徐覃易之以木皇祐中令王泌  
重建長三百尺闊三丈高視闊倍之中

紹熙改元邑人修職郎江俊捐已費又  
新之甃兩岸立石柱乃布板其上覆以

夏屋高廣堅麗履之如平地望之若晴

虹潮生潮落舟  
人牽蟻纜于此

### 常浦橋

縣北三  
十五里

### 津渡

### 東宿渡

縣東六十里自此發舡折海二  
百里兩潮而至象山陳山渡

袁村渡

縣東南五十里自此發船兩潮至陳山渡

北渡

縣北五十里界于鄞舊係民間買撲負擔而渡者率困于篙師之多取慶元中邑

人修職郎汪伋白于郡以私帑先與之抱納官錢復自造巨舟廩給渡頭二家以主

之往來負擔者人取錢三文以走輪官之

用士夫僧道則免迨今四十餘年人甚便

南渡

縣北二十五里舊以舟渡後易以橋見橋梁明

宦江渡

施家渡

敘產

土產已見郡志布帛之品惟此邑之絀輕細而

百子小  
密非他邑所能及若星嶼之江蟪鮎埼之蠮蚶  
雙嶼之班鰕袁村之魚鮓裏港之鱸魚霍鼠之  
香螺橫山之吹沙魚雪竇之榧子城西之楊梅  
泉溪之燕笋公塘之柿栗杖錫之山芥沙堰之  
薯藥皆其特異者也

奉化縣志卷第一

四明志卷第十五

奉化縣志卷第二

敘賦

鄉村

奉化鄉縣北管里二村四

廣平管

鎮亭里

明化村

長汀村

茗山村

龍潭村

長壽鄉縣東北管里二村三

松賢管

奉國里



長屯村

進林村

新屯村

金溪鄉縣東北管里二村四

覆信管

白杜里

石橋村

溪東村

亭山村

白杜村

松林鄉縣東南管里二村三

鳴鴈管

石門里

落闡村

雙溪村

固海村

連山鄉縣南管里一村二

黃甘里

縣南村

晦溪村

剡源鄉縣西管里一村四

嵩溪里

三石村

小晦村

陸照村

公塘村

禽孝鄉縣西北管里二村四

靈泉管

白石里

日嶺下村

廣嶼村

新建村

雪竇村

忠義鄉縣東南管里二村二

棲鳳管

太青里

東西山村

曹村

**鎮市**

公塘鎮

縣西北三十里

鮎埼鎮

縣南六十里

泉口市

縣西北二十五里

白杜市

縣東南二十五里

南渡市

縣東二十五里

袁村市

縣南二十五里

**戶口**

主二萬九千九百九十七戶計五萬三千八百  
二十一口

客二千六百九十五戶計六千七百口

**夏稅**

絹一萬一千八百八十九匹三丈五尺六寸二  
分

正稅四千七百二十七匹三丈五尺六寸  
二分

和買七千一百六十二匹

紬四千二百三十三匹四尺七寸

正稅一千一百六十三匹四尺七寸

和買三千七十匹

綿三萬二千四百八十五兩一錢六分

折變

折帛錢

絹二千七百七匹計錢一萬七千八百

七十四貫五百文

正稅五百五十八匹每匹七貫文計

錢三千九百六貫文

和買二千一百四十九匹每匹六貫

五百文計錢一萬三千九百六

十八貫五百文

紬二千七百六十四匹計錢一萬九千

五百二十貫文

正稅五百八匹每匹七貫文計錢三

千五百五十六貫文

和買二千四百五十六匹每匹六貫

五百文計錢一萬五千九百六

十四貫文

綿一萬二千一百二兩每兩四百文計

錢四千八百四十貫八百文

折麥

絹四十四匹一丈四尺二寸五分

紬二十九匹一尺三寸五分

綿一千一百七十四兩八分七釐五毫

三項通科麥五百一十六碩六斛一升

一合一勺二抄

正四百六十九碩六斛四升六合五

勺

義倉四十六碩九斛六升四合六勺

五抄

實催本色

綃九千一百三十八匹二丈一尺三寸八

分

紬一千二百四十四匹三尺三寸五分

綿一萬九千二百九兩七分二釐五毫

**秋稅**

苗米一萬六千二百五碩四斗二升四合

折變

糯米一千七百四十四碩三斗七升五合



折苗米一千七百七十四碩四斗五

升

實催本色一萬四千四百六十一碩四升九

合

**酒**

以寶慶  
三年爲準

省場

本柄錢四千七百八十九貫一十九文

糯米七百五十一碩四升每碩價錢三貫

九百九十文計二千九百九十六貫

六百五十五文

麩麥一百七十七碩一斛每碩價錢三貫

六百文計六百三十七貫五百六十

文

夫食物料錢一千一百五十四貫八百九

文

造麩五十一貫七十五文

造生煮酒五百五十一貫三百五十一

文

袋紬九匹三文每匹四貫文計三十八貫

四百九十九文

箍缸打竈一百三十二貫三百一文

官吏巡脚夫食糜費輕空滲漏三百八十

一貫五百八十三文

收息錢六千三十七貫一百五十三文

諸司七千七百二十五貫九百四十五文

經總制司三千六百五貫七百七十八

文

糴本司三千三百五十九貫九百三十

五文

移用司七百六十貫二百三十二文

本府虧本柄錢一千六百八十八貫七百

九十二文填納諸司

糟錢一百六十五貫八百四十六文

諸司六十九貫八十四文

經總制司四十九貫八百三十四文

移用司一十九貫二百五十文

本府九十六貫七百六十二文

久戶買撲酒坊二十五所

公塘坊

唐嶼坊

溪口坊

泉口坊

崎山坊

浦口坊

錢堰坊

磧磧坊

東宿坊

江口坊

桐照坊

南渡坊

鮎埭坊

連山坊

降阻坊

七山坊

傅霸坊

白杜坊

下霍坊

北渡坊

吳山坊

松林坊

唐頭坊

擇村坊

官江坊

淨息錢二千三百二十七貫六百四十七文  
常平司一千五百九十八貫一百六十七

文

本府七百二十九貫四百八十文

**商稅**

以實慶元年為準

歲額錢一千八百貫文

舊有楊梅稅歲收錢七十四貫二百八文

定十七年守趙師岳以場務並緣為村民之害特與除免

諸司九百二十七貫六百八十四文

經總制司四百二十九貫二百二十六文

糴本司四百九十八貫四百五十八文

本府八百七十二貫三百一十六文於內除

豁諸司頭子錢四十六貫一百九十

一文實收八百二十六貫一百二十

五文

公塘白杜二稅場 慶元四年守鄭興裔

奏罷

詳見郡志

**雜賦**

免役錢兩料共一萬五千五百九十六貫六百

九十二文

實催到一萬三千九百七十六貫四百七十八文補支發一千

六百二十四貫二百一十四文

縣吏支六千七百一十八貫四十四文

本府一千六百五十九貫六百八文

解發減省人吏

錢在京官負俸錢及支府吏錢並在內

經總制司六千四百六十四貫四百二十四

文

官戶不減半六百二貫六百一十六文

常平司

提舉司頭子錢一百五十二貫文

茶租錢四百四十九貫七百三十九文

元額管催七百

四十九貫五百五十一文除豁  
逃云戶絕四分錢外有今額

水脚錢一千五十五貫八百八十二文

醋息錢七百八十貫文

河渡錢二百三十貫八十七文

專隸常平司



**叙兵**

**弓手**

縣尉司八十四人

**土軍**

公塘寨額九十人今六十八人

鮎埼寨五十人元係浙東都巡檢寨撥隸

**叙人**

見郡志

**叙祠**

**神廟**

天齊仁聖帝殿縣東北四里虛白觀後

誠惠廟縣東北三百步廟之上有山曰日嶺嶺  
有怪石高七八丈宛如婦人之狀十道四蕃  
志所謂奉化新婦巖者是已自唐以來始植  
廟宇曰貞固夫人之廟按古廟碑云廟雖不  
在祀典蓋古老相承之久民率服衆矣凡有  
禱請如影響焉

皇朝景祐中縣令于房廢以增學區學徙邑  
人復請建祠宇 元豐五年縣令盛穆仲嘗  
記其禱請之驗于碑陰 宣和四年賜今額  
紹興三十一年 詔賜號昭德夫人誥詞云

朕閱輿圖之籍知日嶺之山有石肖人而能  
錫人之福水旱盜賊之禱應如響若忌甚異  
焉豈烈婦正女一念堅固先天地而常存形  
寓於石使人觀感而化者可百世祀乎維神  
聞於有唐賜廟號於我

國家朕今渙明恩寵以徽稱從民欲也其侈

神休荅斯民所以告朕之意

日嶺山脊上有一古廟縣西一里

有昭德夫人廟東五里新婦湖之西有湖頭  
新婦廟金溪鄉聖山之南有聖姑廟又有所  
謂橋頭聖姑廟皆別廟也俗謂昭德夫人與  
聖姑新婦姊妹三人血食一方蓋俚語爾

顯佑廟縣南鮎埭鎮神仇氏創始於唐禱之輒

應

紹興末陰相校尉王剛乘艦敗虜於采

石

嘉定初民慮艱食神招商人米舟踵至

人甚異之始謝散騎捐地立祠死配食焉父

而圯裔孫彥瓊廷俊哀衆力復新之三年計

臺列其靈乃

賜廟額參政樓公鑰記其事

十七年十二月

告封靈惠侯詞云鮎埼有

亭志自漢世民業生聚獨盛于今爾神廟食

此方衆所依怙曩緣捍患已錫嘉名茲復覽

於奏封俾肇開於侯爵尚歆茂典益著靈休

飲飛廟縣北市門下一里即府飲飛之別廟也

詳見  
郡志

### 宮觀

虛白觀縣東北四里唐昭宗時賜額觀有三清  
像制度精巧老君像袖中有一蛇長數尺潔  
白如雪隱現不常

### 寺院

#### 禪院二十三

雪竇山資聖寺縣西北五十里舊名瀑布寺唐  
光啓中置大中末爲賊表甫所毀咸通八年  
重建改爲瀑布觀音禪院

皇朝咸平三年賜今額常住田一千七百八十七畝山七千三百畝雪竇山屬祀典南有隱潭東有石蒼潭前有含珠林千丈巖瀑布上下有亭三曰飛雪曰妙峯曰漱玉丹碧照爛飛簷鱗鱗蔚在青嶂間晨霞暮靄遮露萬狀尤爲勝槩 至道年中有僧守能雲遊寺中出 淳化四年

太宗皇帝所賜石刻御書二部四十有一卷在本寺藏院奉藏具數列于左

真書秘藏詮二十卷 逍遙詠十一卷

懷感詩四卷

幽隱詩四卷

回向文詩一卷

佛賦一首

大中岳林寺縣東北五里舊名崇福院梁大同  
二年置在大溪西唐相李紳爲書院額廢於  
會昌中大中三年閑曠禪師復建於溪東

皇朝大中祥符八年賜今額常住田一千三  
百八十二畝山九十一畝寺乃布袋和尚化  
現之處唐末有僧形裁腴腴額膳腹常以  
杖荷布囊隨處偃卧時號長汀子布袋師每  
卧雪中體不霑濡或示人以禍福隨語即應

天將雨則著濕草履涂中驟行或元陽則曳  
高齒木履植膝而卧於橋上梁貞明二年於  
寺之東廊端坐磐石說偈曰彌勒真彌勒分  
身千百億時時示時人時人自不識偈畢即  
示寂葬寺之西南二里其塔亭曰彌勒庵後  
有人於它州見和尚提隻舄而行者及發棺  
視之唯隻舄存焉水旱祈禱靈應如響

元符元年賜號定應大師三年有見祥光于  
彌勒菴側者掘土得所遺錫杖淨瓶邑人建  
閣藏之并所書偈坐石至今猶存 崇寧三



年賜閣名崇寧遇 天寧節度僧一人先是

皇祐中

仁宗皇帝召寺僧文岳禪師入禁中累賜

御製詩偈并 御札今藏崇寧閣其數列于

左

飛白書佛法二字賜文岳禪師

飛白書佛字賜文岳禪師

御注文岳禪師墨書環像頌一首

御注文岳禪師所進頌一首

御注文岳禪師回舊居院頌一首

胎藏教念誦儀三策印本

安巖山華嚴院縣南五十里舊名四明院漢乾祐三年置

皇朝天聖中居照禪師遷入山數里慶曆三年改今額勝槩頗多人號小雪竇常住田三百二十九畝山一千一百二十畝

清涼院縣東九十里朱梁龍平二年茅將軍捨宅爲之吳越王錢氏給額曰歸順

皇朝治平中賜今額常住田一百六十畝山九百六十二畝距院五里有茅嶺以茅君所

居故名其下民猶有以茅佾爲一戶籍者院  
之殿宇所覆皆古瓦上有巳巳茅號四字茅  
君祠在院東廡水旱疾疫禱無不驗 紹興  
己巳 勅葬王參政於其山人謂巳巳之應

靈隱院縣西七十里唐天祐二年置

皇朝治平二年改今額常住田一百六十一  
畝山三千一百四十六畝

解空院縣東八十里唐長興元年置名泰靖

皇朝治平二年改今額常住田二百二十八  
畝山三百九十畝

妙峯山護國院縣西十五里唐中和元年有神人現遂置寺以天王名之

皇朝治平二年改今額常住田一百四十三畝山九十五畝

圓覺院縣西南八十里唐咸通九年置名西峯皇朝治平二年改今額常住田一百七十一畝山七百五十三畝

九峯山靈鷲院縣東六十里舊名明霸院

皇朝開寶八年置在山外慶曆中僧象先遷入山五里對九峯建立而增廣之治平

二年改今額常住田二百三十畝山六千七百六十七畝

棲真院縣東七十里晉天福八年置名棲鳳

皇朝治平二年改今額常住田二百七十畝山三百九十四畝

興化院縣東七十里唐長興元年置名墅市

皇朝治平二年改今額常住田一百二畝山一百三十畝

清福院縣東七十里晉天福八年置名太清

皇朝治平二年改今額常住田一百一十畝

山二百三十畝

離相院縣東九十里唐乾符二年置名福慶

皇朝治平二年改今額常住田一百一十畝  
山二百五十畝

資福院縣西三十里唐咸通八年置名法會

皇朝大中祥符八年改今額常住田九十三  
畝山四百一十九畝

上雪竇山奉慈院縣西六十里唐咸通八年置  
名奉國

皇朝治平二年改今額常住田三百四十畝

山五百三十二畝

資國院縣西南五里舊名護國院唐元和十四年置

皇朝治平二年改今額有人迹印右上指文皆具世傳爲佛迹常住田一百一十七畝山九百三十畝

安隱院縣西一百里唐咸通十一年置名聖壽皇朝治平二年改今額常住田二百二十一畝山八千九百畝

淨慈院縣西六十里唐乾符六年置名仁王

皇朝治平二年改今額常住田二百九畝山  
一百七十八畝

法喜院縣西五十里唐咸通九年置名永泰

皇朝治平二年改今額常住田七十五畝山  
二百八十九畝

證道院縣西七十里唐光啓二年置名靈橋

皇朝治平二年賜今額常住田七十畝山四  
千二百八十畝寺西登山半里有龍湫爲鄉  
民雩禱之所南百步有巖穴深不可測習習  
風生寒氣襲人曰風谷谷下泉流寒甚於冰



曰冰鑑路轉縈迴巉巖虎踞前有方丈之地  
足可憩息曰振衣巖又數步列嶂前橫晚霞  
舒錦如對畫屏曰宜晚攝裳而升漸入平夷  
多景所聚有堂曰蘊秀端憲沈公煥撫少陵  
刻溪蘊秀異之句名之又築清心亭于冰鑑  
之左臨淵疊磯垂釣榜曰桐廬古意渭水遺  
風云

無爲院縣東一百里唐天祐三年置名松奧

皇朝治平二年改今額常住田一百六畝山

一百三十六畝

顯親崇福院縣西三十里唐光啓三年置名上

山

皇朝治平二年改名常樂其後魏丞相請爲香火院改今名常住田一百畝山一百三十

畝

移孝忠報院縣西北三十五里王參政功德院  
皇朝紹興十八年賜今額常住田三十六畝  
山無

教院二十三

慈氏院縣南三里唐天祐二年置名寶化

皇朝治平二年改今額常住田一百五十四

畝山五十畝

寺有杜鵑花蟠如鳳形樊主簿詩云山僧取巧結真叢九苞占

盡千葩紅倚闌情采欲飛動百鳥不敢啼春風

瑞相院縣東南二十里唐大中四年置名雲峯  
皇朝治平二年改今額常住田一百二十畝  
山四百一十五畝

演教院縣西十里後唐清泰二年置名鹿苑

皇朝治平二年改今額常住田九十五畝山  
二百七十五畝

禪悅院縣北二十里舊名保安

皇朝開寶二年置 治平二年改今額常住

田九十五畝山無

寶林院縣西北三十里唐乾寧二年置名棲林

皇朝治平二年改今額常住田一百一十七

畝山無

永固院縣西南五十里唐光啓二年置名三石

皇朝天聖十年改今額常住田一百二十畝

山一千一百畝

金地院縣西南三十里唐太中元年置名福慶

皇朝治平二年改今額常住田六十畝山無

福聖院縣東二十里唐大中四年置名龍光

皇朝治平二年改今額常住田五十七畝山

無

登岱院縣西三十里唐咸通五年置

皇朝治平二年賜今額常住田二百畝山七

百畝

普明院縣南十五里唐大中元年置名觀音

皇朝治平二年改今額常住田四十六畝山

無

明化院縣東十里舊名建城唐寶曆二年置光

化中改名建寧梁開成中改名善因

皇朝大中祥符元年改今額常住田六十三畝山無

清蓮院縣西南五十里後唐清泰二年建號靈峯

皇朝治平二年賜今額本甲乙住持久而圯皇子魏王申請爲十方祝

聖道場以傳天台宗教由是內外棟宇葺故一新惟留舊殿古佛右偏有輪藏及諸天像極精巧常住田四十六畝山一百九十六畝

福海院縣東五十里唐咸通九年置名興福

皇朝治平二年改今額常住田二十六畝山

無

上乘院縣西南五十里唐咸通九年置名乾符

皇朝治平二年改今額常住田六十六畝山

無

法昌院縣北二十五里舊名石芝

皇朝開寶元年置 治平二年改今額常住

田一百一畝山無

淨明院縣北二十里唐龍紀元年置名唐灣

皇朝大中祥符元年改今額常住田三十三

畝山無

宣密院縣東九十里晉開運二年置名桐照

皇朝治平二年改今額常住田四十五畝山

無

鄞城山廣福院縣東五十里唐景福元年置後

唐清泰初吳越錢氏給額曰鄞城

皇朝治平元年改壽聖 紹興三十二年改

今額常住田九十三畝山五十畝

惠日院縣西二十里晉天福五年置名慈林



皇朝治平二年改今額常住田二十六畝山二百五十畝

法海院縣東南十里晉天福元年置名龍潭

皇朝治平二年改今額常住田四十三畝山二百五十畝院下有潭廣數畝父老相傳有白龍宅其淵遇旱曠祈禱多應

常浦院常住田一十五畝山無

普慧院常住田五十畝山無

安住院常住田五十八畝山四百畝

十方律院四

大雲院縣東三十里唐咸通二年置名石佛

皇朝治平二年改今額常住田三十六畝山  
一百六十畝

垂鴻院縣北二十里梁大同元年置名宴坐

皇朝大中祥符元年改今額常住田一百二  
十三畝山無

瑞峯院縣東南十里唐咸通五年置名吳峯

皇朝治平二年改今額常住田九十五畝山  
三百五十畝

仁濟院常住田一百三十畝山無

甲乙律院二十三

廣福院縣南五十里晉開運三年置名雲蓋庵  
皇朝熙寧中賜額壽聖 紹興三十二年改  
今額常住田一百四十畝山一千三百五十  
畝

悟空院縣南四十里唐大中七年置名安海

皇朝治平二年改今額常住田一百四十二  
畝山無

廣化院縣西北三里唐大中二年置名正化

皇朝治平元年改今額常住田三十三畝山

四百三十三畝

慈光院縣西北二十里舊名龍池唐文德二年  
置

皇朝治平二年改今額常住田六十四畝山  
二百六十畝

興聖院縣東二十五里唐咸通十年置常住田  
八十六畝山七十九畝

崇勝院縣南五十里唐天成三年置名固海  
皇朝治平二年改今額常住田二十六畝山  
一百畝

尊勝院縣南四十里唐光啓元年置名延恩

皇朝治平二年改今額常住田一百畝山五百三十六畝

禪寂院縣南四十里周廣順二年置名登山

皇朝治平二年改今額常住田一百一十畝山五百三十二畝

廣法院縣西南七十里舊名靈龜

皇朝太平興國七年置 治平二年改今額  
常住田九十七畝山三百四十六畝

大智院縣西七十里唐咸通十一年置

皇朝大中祥符二年賜今額常住田一百七十五畝山四百四十三畝

定明院縣西南六十里唐大中二年置名鎮國皇朝治平二年改今額常住田七十九畝山六百畝

龍華院縣西八十里唐咸通六年置名凝光皇朝治平二年改今額常住田一百二十二畝山六百七十畝

慈覺院縣北二十里晉天福五年置名興福皇朝治平二年改今額常住田一百五十一

畝山一百四十畝

淨業院縣北二十五里梁貞明二年置名塔巖  
皇朝治平二年改今額常住田八十畝山一  
百二畝

淨隱院縣東北一十里晉天福五年置名名山  
皇朝治平二年改今額常住田二十七畝山  
七十九畝

惠照院縣西北二十里唐咸通十年置名銅山  
皇朝治平元年改今額常住田三十五畝山  
無

護教院縣西北二十里唐乾符二年置名湖山  
皇朝治平二年改今額常住田二百一十二  
畝山一百九十九畝

廣教院縣東二十里唐咸通十年置名靈跡  
皇朝治平二年改今額常住田一百一畝山  
四百六十三畝

告城院縣東半里舊名光教院

皇朝開寶七年置 大中祥符三年改今額  
常住田一百七十畝山無

淨名院縣東北十里梁乾化二年置名安寧



皇朝治平三年改今額常住田一百畝山無  
廣濟院縣北二十五里

皇朝建隆二年僧師悟造廣濟橋於大江之  
側而院與橋同置 大中祥符元年賜今額  
常住田六十三畝山無

淨惠院縣東北四里周顯德四年置

皇朝天聖三年賜今額世傳孫拾遺邵之故  
宅也常住田一百五十三畝山無

報國院縣南二十里晉天福二年置

皇朝治平二年賜今額

尼院一

普惠院縣東北四里半舊名永平唐咸通十年  
年置十三年賜今額

**叙遺**

**紀異**

梨洲縣西一百里即四明山之西峯按四明山  
記去晉時溪邊沙上忽生梨實時孫興公及  
兄承公同遊至澗側得梨數枚左右環視莫  
見其跡意以爲僊物也故號梨洲其上山麓  
有胡桃天蓼按十道四蕃志即劉綱與夫人

升僊處

金鍾墩縣東一十里大溪之間其墩絕小樹木頗茂雖山泉奔突而墩無所損或傳昔錢氏載大金鍾過此沉焉漲沙成墩金鍾今在墩之下歷數百載不爲水所盪

降渚

降下之降

昔有星竇於海濱化爲石其形圓而

光潔轉徙不常故名其地曰降渚今俗呼爲

降

平聲呼之

阻非也

天篆縣西南六十里其山來自鎮亭峭壁四合溪流貫其中中有盤石石上隱起字畫如篆

刻爲溪流所滄旱涸時熟視之若成四句而不可辯識爲何等語俗傳以爲天篆

俗誌云昔董氏有女未笄刺繡南窓下二燕巢

其上其女日子之飯編竹以護其巢女無機心燕無猜意朝往暮返至於哺育其子成羽翼而去明年復來其女愛字之如初凡歷三歲而燕去女死又明年二燕復來飛遶戶牖間悲鳴上下經二日不已女之父母告之曰汝非尋女子邪女已死冢在屋之側俄而二燕去越三日不歸翁媪往視女首空則二燕伏

死於家上邑人異之故名其鄉曰禽孝

**存古**

奉國軍節度使錢億墓在縣西北三里

奉化縣志卷第二